



Fama Postvma Praesvlvm Antverpiensivm

Hugo, Hermann

Antverpiae, 1611

Lævino Torrentio Fundatori Collegij Societatis lesv gratias agit I. de Cater.

[urn:nbn:de:hbz:466:1-69073](#)

Non stetit tam angustâ victoriâ ardor
ille immensus fidei propagandæ; sed tor-
rentis instar, qui exili coactus alueo, mox in
diuersa labitur aquarum diuortia, latius se
diffudit. Parum nempe erat animo tam va-
sto semel pugnasse feliciter, voluit etiam
Duillij more perpetuò triumphare. Patri-
bus ergo Societatis I E S V , quos in hæreti-
corum salutem nouerat sedulò excubare,
Louanij domum impensâ egregiâ locuple-
tauit, vnde Fundatoris sibi nomen adsciuit.
Leodij, primus etiam auctor exstitit Ciuita-
ti, iisdem Patribus domum vti compara-
rent. Pro quo munere

LÆVINO TORRENTIO
Fundatori Collegij Societatis I E S V
gratias agit I. de Cater.

Quid inuidendis atria postibus
Commenta vanæ ludicra gloria,
Quid vertice elato minantur
Stelliparis inimica regnis?
Quid docta celsæ culmina Pœciles,
Munita abenis culmina fratribus,
Somnos inanes, & diserti
Dogmata Panthoidæ figurant?
Stet fixa mentis sub penitæ fibris,
Ædisque viuat fama Platonica,
Decusque in ore posteriorum

Cecro-

Cecropij vigeat Lycei,
 Insanientis dum sapientia
 Themis labores falsa probat suos
 Cassosque nisus, & pudendis
 Implicitos animos tenebris:
 Gestit nitenti mole beatior,
 Gestit sacrata prole superbior,
 Et clarioris consulatus
 Palladios celebrans alumnos
 Vrbs eruditis inclyta Patribus,
Quam candidatis Aonidum chorus
 PRÆSVL dicavit, & sacrae
 Laurigeros sophia penates.
Nam vidu altâ mente quid indoles
 Instructa faustis sub penetralibus,
 Quid recta nutrimenta possent,
 Quid placide gremium Mineruae
 Doctrina quam vim promoneat suam
 Quantumque cultus pectora roborent,
 Non indecori, quam magistra
 Lex teneros moderetur annos.
 Auita surgunt alite candido
 Vexilla IESV, queis mereat ingi
 Amena proles laureati,
 Et Grudiam recreet iuuentam.
 Toto coruscans vertice, viuido
 Tropeum IESV lumine fulgurat,
 Circumque LÆVINVM susurrant
 Militia proceres recentis.
 Nec gravioris Eburo Præsidis
 Ignarus, ædem sacrifici laris
 Domusque fundamenta iacta
 Vidit, & insolitos fauores.

Epsciopatu domi feliciter administrato,
 Legationibus foris benè gestis, OB EAM
 REM FIERI PLACVIT, VTI IN CONCILIVM
 STATVS A PRINCIPE ADLEGERETVR.
 Quos titulos ita visum est celebrare.

IAmendum, LÆVIÑE, tuos dum versibus actus
 Prosequor, immensis cumulatum laudibus aquor
 Panditur, obscuroque labat mihi limite cursus,
 Et dubia incertæ caligant vela carinæ.
 Nam quis consilij, sacri quis iuris & equi
 Nosse modum melior? quis nam voluenter curas
 Pectora, quis vigiles sensus, iustique tenorem
 Inactamque fidem referat; quam turbine nullo
 Excutiet fortuna tibi, quam flectere numquam
 Aut odium cogit, vel amoris gratia suadet?
 Hanc vidit summas rerum qui flectit habenas
 Belgiadum, vidiisque viri raramque quietem
 Caniciémque animi; succinctaque pectora curis
 Perspexit, mentemque exercuit; ille sacratis
 Molem immensam humeris, & vix tractabile pondus
 Imposuit, tæque ad summi sublimia regni
 Consilia assumpit. tibi namque asperrima suetus
 Credere, partiriisque metus: quibus Hæresis armis
 Concidat: extorio quænam bona tempora bello,
Quidve status clamet Patriæ: quod tempus amicum
 Fraudibus, aut sani poscat quod fædera belli.
 Tu doctus, sensumque Ducis, tantamque verendi
 Mentem implere viri, iussisque ingentibus unus
 Sufficere, & posito bellum sopire tumultu.
Quod resonet Phœbea chelys, quod pectine neruos
 Aoniæ tetigere Deæ, tibi Belgica debet.

Quod

Quod faber agrestem vertat thoracis in usum,
 In falcem quod cassis abit, tibi Belgica debet.
 Quod natis rectisque suis reddantur & agris
 Damnati fato populi, tibi Belgica debet.
 Denique quod leges, secundaque secula culpe
 Ad priscum rediere decus, sequique vigentem
 Viuentemque videt, PRÆSVL, tibi Belgica debet.

Gaspar Geuartius.

LÆVINO TORRENTIO Consiliario Status.

Quid moesta planctu prosequeris tuo
 Vinoque luctu Curia Praesulem
 Te deserente, quid superbum
 Imbre genæ violas ruborem?
 Quid instar vnde calitis, in sinu
 Fecunda multo quam rosa parturit,
 Pergis tenellos Roma fletus
 Et vitreos anipare rores?
 Cessent querelæ: Regia Consulem.
 Et indicantem Belgica Praesulem
 Quærit, moraque fessa longa
 È Latio reuocat theatro:
 Nonis que semper turbida motibus,
 Et luctuosis quassa fragoribus,
 Rebus leuamen inquietis.
 Hæc Patriæ ingeminat Parenem:
 Altosque sacri Numinis impetus
 Et irreflexum iudicium probat,
 Canasque maturæ pruinæ.

E 3

Aden-

